

LAERSKOOL ANTON VAN WOUW



SPORTBELEID

Inhoudsopgawe

1.	Inleiding.....	3
2.	Ons Sport se Visie, Missie en Waardes.....	3
3.	Aanbieding van Sport.....	4
4.	Struktuur.....	5
5.	Kommunikasie.....	7
6.	Logistiek.....	7
7.	Gedragkode.....	8
8.	Algemene Reëls en Etiket.....	10
9.	Kleredrag.....	11
10.	Erkenning en Toekennings.....	12
11.	Finansies.....	12
12.	Sportmerietebeleid.....	13
13.	Sortmeriete.....	14

1. Inleiding

Die doel van hierdie dokument is om die doelwitte, basiese beginsels, algemene reëls en riglyne, gedragkode, prosedure en struktuur van sportdeelname by Laerskool Anton van Wouw te dokumenteer.

Die einddoel is om te verseker dat kommunikasie tussen ouers, kinders, sportorganiseerders, onderwysers, afrigters, sportkomitees en alle betrokkenes verbeter.

2. Ons Sport se Visie, Missie en Waardes

2.1 Visie

Om sport by Laerskool Anton van Wouw as 'n opvoedkundige instrument te bevorder deur middel van kwaliteit afrigting en toeganklik te maak vir alle leerders wat wil deelneem.

Ons speel saam, wen saam en geniet saam!

2.2 Missie

- (i) Om sport by Laerskool Anton van Wouw só aan te bied dat dit vir elke deelnemende leerder 'n genotvolle ervaring sal wees.
- (ii) Om die nodige vaardighede af te rig, wat sal verseker dat die leerders tot hulle volle potensiaal sal ontwikkel.
- (iii) Om die nodige afrigters (spesialiste) te identifiseer om die vereiste vaardighede by die leerders te vestig.
- (iv) Om sport aan ons leerders te bied deur goedtoegeruste, gemotiveerde en kundige afrigters te gebruik, met die beste, bekostigbare fasiliteite binne die omgewing, in vennootskap met betrokke ouers.

2.3 Waardes

Ons waardes is as volg:

- Ons kinders kom eerste.
- Ons kinders behoort hul eie ideale uit te leef, nie dié van hul ouers nie.
- Ons is toegewyd in ons betrokkenheid by ons skool se sport.
- Ons moedig dit aan dat elkeen groei in sy of haar deelname.
- Ons gee om vir mekaar en respekteer mekaar.
- Ons erken individualiteit en moedig groepsdeelname aan.
- Ons respekteer kulturele verskille, veral wanneer ons teen ander skole deelneem.
- Ons moedig verdraagsaamheid en sterk etiese waardes aan.

- Ons kweek graag 'n positiewe uitkyk op die lewe by ons kinders aan.
- Ons strew na eerlikheid en integriteit.
- Ons ondersteun deelname van almal, insluitende die ouers.
- Ons bevorder leierseienskappe en beloon goeie sportmangees.
- Ons ontwikkel selfvertroue by die leerders deur middel van sport.
- Ons kweek lojaliteit by leerders te kweek sy/haar span en skool.
- Ons ontwikkel 'n goeie, gesonde gesindheid by leerders, deur middel van sport.

2.4 Doelwitte vir elke deelnemer, afrigter en betrokke

Die volgende spesifieke doelwitte word in elke sport nagestreef:

- Die onvermoeide, volgehoue aanleer van besondere vaardighede.
- Die bevordering van verstandelike en geestelike prestasie, omdat dit nie geskei kan word van fisiese prestasie nie.
- Om al die leerders, ongeag hul individuele vermoëns, aan gelyke vlakke van afrigting bloot te stel, sodat die leerders gelyke geleenthede ontvang om hulle talente te ontwikkel.
- Om alle sportaktiwiteite te monitor, te koördineer, organisasie en kommunikasie te verfyn en te verseker dat alle aktiwiteite op 'n professionele vlak funksioneer.
- Waar kundigheid ontbreek, word gebruik gemaak van kundige ouers of buite-afrigters.
- Kommunikeer gereeld en betyds met alle rolspelers.

3. Aanbieding van Sport

3.1 Sportsoorte

Die volgende sportsoorte word by Laerskool Anton van Wouw aangebied:

1. Atletiek
2. Gholf
3. Hokkie en mini-hokkie
4. Krieket en Bev Cric
5. Landloop
6. Muurbal
7. Netbal en mini-netbal
8. Perdry
9. Rugby en Bulletjierugby
10. Skaak
11. Swem
12. Tennis

3.2 Sportindeling

Die sportaanbieding per kwartaal lyk as volg:

Kwartaal 1			Kwartaal 2			Kwartaal 3			Kwartaal 4		
Jan	Feb	Mrt	Apr	Mei	Jun	Jul	Aug	Sep	Okt	Nov	Des
Atletiek	Netbal		Rugby			Hokkie			Atletiek		
			Klub-hokkie			Krieket			Golf		
Swem									Muurbal		
Tennis						Tennis			Swem		

Regdeur die jaar:		
Perdry	Skaak	
Landloop		

Dogters
Seuns
Almal


3.3 Oefentye

Oefendae en –tye sal aan die begin van elke seisoen aan ouers en leerders gekommunikeer word. Dit is belangrik dat 'n leerder en sy/haar ouers keuses sal uitoefen en daarby sal hou. Ons beveel aan dat 'n leerder aan minstens een, maar hoogstens twee sportsoorte per kwartaal sal deelneem. Ouers moet hulle kinders lei om nie by te veel aktiwiteite betrokke te raak nie.

Die sportsoorte vir 'n spesifieke kwartaal het **voorkeur** om oefentye te bepaal.

4. Struktuur

4.1 Skoolstruktuur



4.2 Rolspelers

- 1 Die **Sportbestuurder** is verantwoordelik vir die bestuur en koördinerings van sport, asook kommunikasie t.o.v. sport by ons skool.
- 2 Die **Sportorganiseerder** (Onderwyser) is verantwoordelik vir die **bestuur, koördinerings** en **spesifieke kommunikasie van 'n spesifieke sport**. Dié persoon werk saam met die Sportbestuurder om die nodige afrigters en hulpafrigters aan te stel.
- 3 Die **Afrigter** is verantwoordelik vir afrigting van 'n spesifieke sportsoort. Dié persoon moet gekwalifiseerd wees, met voldoende ervaring in die afrigting van die spesifieke sport. Die persoon moet ook as skeidsregter kan optree by wedstryde.

5. **Hulpafripter(s)** ondersteun die afripter en help spesifiek met die inoefening van spesifieke vaardighede, opwarming en kleiner groep-oefeninge.

5. Kommunikasie

Kommunikasie is die kern tot die suksesvolle beoefening van sport by ons skool. Kommunikasie moet gereeld, betyds en volledig wees. Kommunikasie is die verantwoordelikheid van die Sportbestuurder(s) en die Sportorganiseerder(s).

5.1 Ouerkontak

Indien 'n ouer iets wil bespreek rakende 'n speler, kan hy/sy die afripter skakel. Indien u nie die afripter direk wil skakel nie, praat asseblief met die Sportorganiseerder(s).

5.2 Klagtes

Klagtes moet onder die Sportbestuurder(s) se aandag gebring word.

6. Logistiek

6.1 Logistieke beplanning

Logistieke beplanning is die verantwoordelikheid van die Sportbestuurder(s) en Sportorganiseerder(s).

6.2 Fasiliteite

Die skool beskik oor uitstekende fasiliteite vir oefening en wedstryde vir die volgende sportsoorte:

1. Atletiek
2. Hokkie
3. Krieket en Bev Cric
4. Landloop
5. Netbal
6. Rugby en Bulletjierugby
7. Skaak
8. Sokker
9. Swem
10. Tennis
11. Gholf word beoefen by verskeie bane, soos deur laerskole self bepaal.
12. Perdry word beoefen by verskeie perdryskole.
13. Muurbal word beoefen by verskeie bane, soos deur Noord-Gauteng Muurbal bepaal.

6.3 Weersomstandighede

“Reënreël” - die skool besluit of oefeninge/wedstryde afgestel word as gevolg van reën. Leerders en ouers sal betyds in kennis gestel word vóór oefeninge/wedstryde plaasvind.

6.4 Sportfoto's

Spanfoto's word jaarliks geneem (spelers in korrekte sportdrag). Dit vind normaalweg plaas in die kwartaal waarin 'n spesifieke sportsoort plaasvind.

6.5 Toere

Dit staan die organiseerder en afrigter vry om volgens die Skoolbeleid ten opsigte van toere só 'n uitstappie vir 'n betrokke sportsoort te reël. Dit moet noukeurig en betyds beplan word in oorleg met die Sportbestuurder en Skoolhoof.

6.6 Byeenkomste, ligawedstryde en toernooie

Raadpleeg asb. die Wouwtjenuus, webblad en Kommunikeerder vir alle inligting aangaande oefentye, wedstryde en ander reëlings.

7. Gedragskode

Die Sportbeleid is onderhewig aan, en onderskryf ten volle die skool se erekode en algemene gedragskode, soos gepubliseer in die dagboek en ontvang deur elke leerder in ons skool.

Daarby voeg ons graag die volgende sake, spesifiek gerig op positiewe sportgedrag.

7.1 Sportmangees

Alhoewel deelname aan sport 'n fisiese aktiwiteit is en daar kompetisie betrokke is, moet elke leerder besef en leer hoe om 'n goeie en voorbeeldige sportman of sportvrou te wees.

“Die ware sportman sal die ‘ongeskrewe’ reëls van die spel handhaaf”.

7.2 Onaanvaarbare gedrag

Die volgende lys bevat voorbeelde van onaanvaarbare gedrag:

- Laat vir wedstryde.
- Laat vir oefeninge, of wegbly van oefeninge, sonder 'n geldige rede.
- Slordige voorkoms of verkeerde kleredrag.
- Onsportiewe optrede.
- Persoonlike aanmerkings teenoor teenstanders.
- Vuil taal.
- Uitdaging van skeidsregters se gesag.
- Die gooi of beskadiging van toerusting (bv. tennisraket of krieketkolf)
- Enige optrede wat die skool se goeie naam in gedrang kan bring.

7.3 Gedragskode vir leerders

As 'n deelnemer aan buitemuurse aktiwiteite by Laerskool Anton van Wouw, behoort ek te beseef dat ek te alle tye 'n ambassadeur is vir my skool, en sal dáárom dienooreenkomstig gehoorsaam wees aan die volgende bepalings:

- Altyd 'n voorbeeld van goeie sportmangees stel.
- Altyd respek teenoor my maats, opponente en die skeidsregter betoon.
- Altyd onthou dat ek deel is van 'n span en dat die span se belange bo my eie belange geplaas moet word.
- Altyd lojaal te wees teenoor my spanmaats en hulle nooit in die steek laat deur onnodig weg te bly van oefeninge af, of om in die middel van 'n seisoen op te hou met die beoefening van 'n sportsoort nie.
- Altyd betyds wees vir oefeninge, wedstryde en kompetisies.
- Alle toerusting met respek hanteer.
- By die reëls van die spel hou.
- 'n Nederlaag met ware sportmangees en sonder verskonings aanvaar en erkenning aan die opponente gee.
- Nederig wees in oorwinning.
- Altyd jou beste, ter wille van jouself én jou span, gee.

7.4 Gedragskode vir ouers

- Die Hoof bly verantwoordelik vir die gedrag en optrede van sy ouers, personeel en leerders.
- Die Hoof en personeel moet te alle tye 'n voorbeeld stel vir hulle ouers en leerders.
- Geen ouers mag op 'n sportveld staan tydens die duur van 'n wedstryd nie.
- Ouers moet hulle nie skuldig maak aan kru taal, uitstel of slegsê van spelers, afrigters of beamptes nie.
- Stel die voorbeeld aan die spelers deur die beamptes se beslissings te aanvaar.
- Ouers moet ingedagte hou dat spelers deelneem vir hulle eie genot en eie gewin, en nié vir die plesier van die ouers nie.
- Bewys respek teenoor die opponente.
- Veroordeel die gebruik van geweld, of dit nou toeskouers óf spelers is.
- Ouers mag nie met die spelpatroon van die afrigters inmeng deur sekere opdragte aan die spelers deur te gee nie.
- Ouerafrigters mag nie betrokke wees by spanne waar hul eie kinders betrokke is nie.

7.5 Gedragskode vir personeel

- Wees altyd betyds vir oefeninge en wedstryde.
- Wees altyd toepaslik geklee vir oefeninge en wedstryde.
- Sien altyd toe dat noodhulp beskikbaar is tydens wedstryde.
- Moet nooit 'n oefening kanselleer op dieselfde dag, of sonder toestemming van die Hoof of Sportbestuurder nie.
- Wees altyd voorbereid vir oefeninge en wedstryde.

7.6 Prosedures in geval van wangedrag

1. Waar 'n ouer/persoon hom/haar wangedra, is dit die verantwoordelikheid van die Hoof/Beheerliggaam om aan hierdie ouer die boodskap oor te dra dat sy/haar optrede nie aanvaarbaar is nie. Verder... dat dit 'n verleentheid vir die skool, die ouergemeenskap en leerders is.
2. Indien hierdie persoon nie ag slaan op die berisping nie, moet hy/sy versoek word om in belang van alle partye, nie verdere wedstryde by te woon nie.
3. Indien hierdie persoon sou weier om saam te werk en voortgaan met sy/haar swak gedrag, kan daar aanbeveel word dat so 'n speler uit 'n spanaktiwiteit gelaat word.

8. Algemene reëls en etiket

8.1 Ouderdomsgroepe

Elke speler mag slegs in sy/haar ouderdomsgroep deelneem. Geen speler mag "op" speel nie. Met ander woorde, geen jonger speler mag toegelaat word om in 'n hoër ouderdomsgroep te speel nie, al is hy/sy beter as die ouer spelers, **behalwe** in ligas waar daar nié voorsiening gemaak word vir jonger kinders nie. Bv. - die aandliga vir krieket is slegs vir o.11 en o.13-spelers. Spelers wat o.12 is, kan dus in die o.13-liga speel.

8.2 Kies van spanne

Alle spelers word volgens meriete in spanne opgeneem. Spelers word ook volgens meriete verwys na proewe vir Gauteng-Noord kleure.

8.3 Bulletjierugby, Bev Cric en mini-hokkie

Wedstryde vind slegs op 'n vriendskaplike basis plaas en ligawedstryde of ligaspanne is nie ter sprake nie. Die doel van sportdeelname op dié jong ouderdom, is drieledig:

- (i) genot van die spel
- (ii) aanleer van vaardighede
- (iii) bevordering van liefde vir die sport

8.4 Toerusting

Hanteer alle toerusting met respek. Afrigters moet verseker dat dieselfde hoeveelheid toerusting ná 'n oefening/wedstryd terugbesorg word. Leerders en afrigters sal aanspreeklik gehou word vir die beskadiging van toerusting, indien dit vir 'n ander doel gebruik word as waarvoor dit vervaardig is.

8.5 Kaptein van 'n span

Die kaptein is verantwoordelik vir:

- Ontvangs van opponente met tuiswedstryde en die loting.
- Maak seker dat spanmaats korrek geklee is.
- Sien toe dat apparaat(e) na afloop van tuiswedstryde weggepak word.
- Praat met die skeidsregter namens sy span. Die res van die span bly stil op die veld.

8.6 Afwesigheid

Die volgende reëls moet toegepas word t.o.v. afwesigheid tydens oefeninge/wedstryde:

- 'n Speler moet vooraf 'n skriftelike verskoning inhandig by die afrigter, indien 'n oefening of 'n wedstryd gemis gaan word.
- Ouers moet 'n afrigter onmiddellik in kennis stel indien 'n speler a.g.v. omstandighede buite hul beheer, nie 'n wedstryd kan bywoon nie.
- Indien 'n speler 'n oefening mis, mag hy/sy nie in die daaropvolgende wedstryd speel nie, behalwe as daar 'n aanvaarbare rede vir sy/haar afwesigheid was.
- Indien 'n speler 'n wedstryd mis s nder 'n aanvaarbare verskoning, mag die afrigter die speler uit die span haal.
- Geen speler mag deelneem aan oefening of wedstryde indien hy/sy siek is nie.

8.7 Sporttoerusting en fasiliteite

Alle spelers en afrigters moet sporttoerusting en fasiliteite met respek en verantwoordelikheid hanteer. Enige vorm van vandalisme of beskadiging word beskou as 'n ernstige oortreding. Sodanige spelers/afrigters is onderworpe aan die skool se dissiplin re prosedure, asook vervanging daarvan op die betrokke persoon se eie koste. Enige verlore goedere moet ingehandig word by die afrigter. Alle verlore goedere word na die *Verlore Goedere*-area geneem en kan daar afgehaal word.

9. Kleredrag

Ons skool se voorgeskrewe kleredrag vir sportdeelname is as volg:

- Alle sportspanne speel in voorgeskrewe sportdrag, soos vir die spesifieke sportsoort bepaal.
- Slegs **eerste spanne** mag n  goedkeuring deur die Skoolbestuurspan, afrigters en ouers, alternatiewe drag dra, mits bogemelde re l gevolg is.

Borgre l: Geen nuwe- of ander sportdrag mag vir 'n eerste span aangekoop of bestel word, indien dit nie **ten volle geborg** is nie.

10. Erkenning en Toekennings

Erkenning en toekennings word gebruik om spelers te motiveer en aan te moedig tot groter sukses.

11. Finansies

11.1 Begroting

Die Beheerliggaam, Sportbestuurder en Sportorganiseerder is verantwoordelik vir die Sportbegroting.

11.2 Donasies

Donasies word verwelkom. Alle donasies moet direk by die skool se finansiële kantoor inbetaal word, of in die skool se bankrekening. Die Finansiële Bestuur sal die donasie toeken aan die betrokke sportsoorte en voorafgoedgekeurde uitgawes kan uit die donasie gedek word.

11.3 Borge

Borge moet deur die Hoof, Sportbestuurder en Bemerkingsbestuurder goedgekeur en gekoördineer word.

11.4 Uitgawes

Die Sportorganiseerder en finansiële kantoor is verantwoordelik vir die noukeurige bestuur van alle uitgawes vir sy/haar spesifieke sport.

11.5 Affiliasie

Baie sportsoorte is geaffilieer by beherende sportliggame in die provinsie of by sportliggame wat toesig hou oor die sport in ons land. Alle sportsoorte word aangemoedig om dié affiliasie in stand te hou. Affiliasiegelde is normaalweg jaarliks betaalbaar. Die Sportorganiseerder moet elke jaar die affiliasiegeld betyds betaal.

12. Sportmeriete-beleid

Alle leerders in Laerskool Anton van Wouw wat aan sport deelneem, kan kwalifiseer vir 'n nominasie om na die sportmeriete-aand uitgenooi te word. Nominasies kan op twee wyses geskied, nl. die diskresie van afrigters en die statistieke van 'n sportsoort.

12.1 Diskresie van afrigters

Sekere sportsoorte se nominasies word d.m.v. die diskresie van die onderskeie afrigters en organiseerder gedoen. Na afloop van 'n seisoen word die genomineerde(s) deur 'n paneel (bestaande uit die afrigters en organiseerder) bespreek, bv. rugbykomitee. Sportsoorte wat hieronder sorteer, is: rugby, netbal, sokker, landloop, muurbal, skaak, gholf, perdry en hokkie.

12.2 Statistieke

In sekere sportsoorte word **statistieke** as die norm gebruik om die genomineerde leerders te bepaal. Sportsoorte wat hieronder sorteer, is krieket, atletiek, tennis en swem. Die leerder wat die **hoogste prestasie** in 'n spesifieke sportsoort behaal, word dan as die **beste sportseun/dogter** in die sportsoort aangewys.

12.3 Sportseun– en dogter

Die toekenning word aan die leerder wat die **verste gevorder het** in die grootste aantal sportsoorte, toegeken. Indien 'n **gelykop** uitslag verkry word, sal die aantal punte wat deur die leerder verwerf is, die deurslaggewende faktor wees.

Die **finale keuse** t.o.v. alle toekennings berus egter by die **Hoof** en die **sportkomitee**. Indien daar volgens hulle nie 'n geskikte kandidaat is nie, hoef die toekenning nie toegeken te word nie.

13. Sportmeriete

13.1 Twee sportmerietefunksies word gehou :

- September vir Rugby, Netbal, Atletiek, Sokker, Skaak en Ruitersklub
- November vir Landloop, Krieket, Hokkie, Swem, Gholf, Tennis, en alle leerders wat provinsiale kleure verwerf het vir sportsoorte wat nie deur die skool aangebied word nie.

Die prysuitdelingfunksies word ook in die oggend afgehandel. Die volgende toekennings word gedoen:

- Sertifikaat vir deelname aan alle leerders
- Rugby : Beste voorspeler en beste agterspeler per ouderdomsgroep (vanaf o.9)
- Krieket : Beste bouler en beste kolwer per ouderdomsgroep
- Bev. krieket en mini-hokkie ontvang deelname sertifikate
- Netbal en Hokkie: Beste aanvallende- en verdedigendespeler per ouderdomsgroep
- Swem: Beste seun en dogter per ouderdomsgroep asook Victor en Victrix Ludorum
- Landloop: Beste seun en dogter
- Skaak: Beste seun en dogter per ouderdomsgroep volgens liga
- Ruitersklub: Wenner van verskillende dissiplines word aangedui op sertifikate
- Tennis: Beste o.11 seun en dogter en beste ope seun en dogter
- Atletiek: Beste seun en dogter per ouderdomsgroep asook Victor en Victrix Ludorum
- Alle spanne wat ligawenners is
- Muurbal: Beste seun en dogter
- Sokker: Beste Aanvallende en verdedigende speler
- Gholf- Beste voorgee

13.2 Die volgende Sporttoekennings word ook tydens die louriermeriete-aand toegeken:

- Sportseun en dogter
- Rugbyspeler van die jaar
- Krieketspeler van die jaar
- Hokkieseun- en dogter van die jaar
- Netbalspeler van die jaar
- Swemmer van die jaar
- Landloper van die jaar
- Tennisspeler van die jaar (seun en dogter)
- Beste Ruiters van die jaar
- Muurbalspeler van die jaar
- Atletes van die jaar
- Skaakspeler van die jaar
- Gholfspeler van die jaar
- Provinsiale en streekwenners per sportsoort
- Provinsiale/Distrikkeure vir sportsoorte, binne skoolverband

GOEDGEKEUR:

VOORSITTER: BEHEERLIGGAAM

HOOF